



2 3 4 5 6 7 8 9 50 1 2 3 4 5 6 7 8 9 60 1 2 3 4 5 6 7 8 9 70



無量壽經鈔卷第二

盡正宗如來勸說

望西樓沙門了慧述

西樓寺

九入涅槃相中示現等者非滅現滅故云示現現滅利生故云拯濟故云度衆生故方便現涅槃惺興云攝論化身滅度有六意一事究竟故二爲除樂倒故三令捨輕慢故四爲生渴仰故五爲身精進故六欲速成就故法位消除等者諸漏即是生死之因德本即是涅槃之因衆生具滅能厭有漏斷生

死因能放圓寂修涅槃因是故示滅利衆生
也漏者泄過無窮爲義如光記云漏謂漏泄
即諸煩惱於彼苦集二諦相應法中所緣境
中互相隨順互相增故已今舉三漏而攝三
界百八煩惱一者欲漏有四十一謂欲界繫
根本煩惱有三十一於五部下三十六并加
十纏如別釋二者有漏有五十二謂色無色根
本煩惱於五部下六十二三無明漏有十五
物謂於三界各有五故前所除之問釋尊入

滅歲數如何答異說不同婆沙論云八十一
年新說有十六年舊說有四卷

寂勝王經云釋迦牟尼佛壽命短促唯八
十年周書云壬申歲二月十五日於拘尸那
城七十九入涅槃經同之然婆沙論一百
二十六云經說世尊留多命行捨多壽行其
義云何有作是說諸佛世尊捨第三分壽有
作是說諸佛世尊捨第五分壽乃至捨第三分
壽者彼說世尊釋迦牟尼壽量應住百二十
歲捨後四十但受八十乃至捨第五分者彼說

壽量應住百歲捨後二十但受八十乃至故由此經言捨壽行乃至留命行者乃至有情化事未終復留三月私云第有說稱本願文第三百五十三願云願我未來成正覺已入涅槃時我以三昧力故捨第五分所得壽命而入涅槃城都記云却後三月者從正月一日至二月十五日兩白一黑故云三月上依此等文從捨壽行而說八十約留命行云八十一實不相違問何故留捨答俱舍論云爲顯於死得自在故捨多壽行爲顯於活得自在故留多命行唯留三

月不增減者越此更無所化事故減此利生不究竟故已上又婆娑云有說欲顯諸佛世尊能伏衆魔見周易廣也留捨壽命證得無上妙菩提時已伏二魔謂天煩惱今將證入涅槃界時又伏二魔謂蘊及死伏蘊魔故捨多壽行伏死魔故留多命行已上七十九著見聞不同不須和會但或會云案周記云佛當昭王二十五年癸丑七月十五日入胎周昭王二十六年甲寅四月八日周書異記周昭王誕生當穆

王四年壬午佛年三十成道

私云周異記及五燈會元同云

癸未年三十成道

同穆王五十四年壬申二月十

五日入滅

私云五燈會元云魏王五十二年

若從癸丑入胎

至壬申入滅即成八十入滅若約出胎以後成七十九入滅上雖有此義猶違婆娑縱雖從彼入胎計之但八十故又授決集云又解却後三月者從七月十六日後二黑一白西城云九月八日涅槃故取意是亦違論論八十外更留三月今八十內留三月故問釋尊入

滅何月日耶答異說不同涅槃經云二月十

五日臨涅槃

周書同之長阿含第四

云二月八日取涅槃

同之涅槃經

同之涅槃經云十方諸佛皆用四月八

日夜半時而般涅槃西域記云三月十五日

有部九月八日

抄略若依台宗亦是見別不須

和會若依寶師即有會通如俱舍疏

云然涅槃經

第三十云如來何故二月涅槃善男子

二月名春春陽之月万物生長種殖根栽華

菓敷榮江河盈滿是時衆生多生常想爲破

衆生如是常心說一切法悉是無常唯說如來常住不變至陽春和液人所貪愛爲破衆生世間樂故演說常樂我淨又云師子孔言如來初生出家成道轉妙法輪皆以八日何故涅槃獨十五日佛言至如十五日月無虧盈諸佛如來亦復如是入大涅槃無有虧盈以是義故以十五日入般涅槃善男子如十五日月盛滿時有十一事何等一一能破闍二令衆生見道非道三令衆生見道邪正

四除鬱蒸得清涼樂五能破壞螢火高心六息一切賊盜之想七除衆生畏懼獸心八能開敷優鉢羅華九合蓮華十引行人進路之心十一令諸衆生樂受五欲多獲快樂善男子如來滿月亦復如是一者破壞無明大闇二者演說正道邪道三者開示生死邪瞞涅槃平等四者令人遠離貪欲瞋恚恚熱五者破壞外道光明六者破壞煩惱結賊七者除滅畏五蓋心八者開敷衆生種善根心九者

覆蓋衆生五欲之心十者發起衆生進修趣
向大涅槃行十一者令諸衆生樂修解脫以
是義故於十五日入大涅槃上三具足下結
嘆權實中亦爲二初結實德次遊諸下結權
德也文並可知二其所下嘆二利德中亦有
二初略嘆次菩薩經典下廣嘆初文亦二先
別明次如是下_物總結初文亦四先嘆自行清
淨二辭如下明化行善巧三未曾下顯向自
行四愍傷下顯向化行初文可知次文亦二

初開辭次此諸下合辭初文中本學等者幻
師本學諸幻術法通達明了依本學達今起
幻化起幻由學故云本學由本學明變化自
在故云在意次文中亦復如是者此有六意
謂諸菩薩合上幻師學一切法合上本學貫
綜縷練合上明了所住安諦合上在意靡不
致化合上所爲無數已下合上現像貫綜等
者憚興云貫通也綜集也縷詮也練陶也即
通穿群典集括事理詮表玄旨陶委衆疑義

寂云貫者通也綜者括也縷者委也練者精
也淨影云綜習上所住等者慤興云智悲之
境是權術之所遊故云所住心安境無錯妄
故云安諦上靡不等者淨影云致謂運致於
一切處無不運化又致者是其致令一切
衆無不感化惺興全同或本云感化於義無違三
顯自行中未曾等者所修之行何故清淨能
生恭敬不高慢故所修之行何故無穢憶念
不斷無放恣故四顯化行中愍傷等者所現

異像何故普現憐衆生故次總結可知二廣
嘆中亦分爲四初依菩薩法修自分行次無
量下依如來法修勝進行三供養下依自分
成德四受持下依勝進成德初文亦二先明
自利次名稱下明利他也初文中菩薩等者
於菩薩法究竟通暢知能詮要得所詮妙次
文可知二勝進中二初修內德次如來下嘆
外德也初文中護念等者行入佛境故佛護
念護故惡滅念故善生所住等者如淨影云

事也

證行同佛所住法菩薩同住_乃至教行同佛大聖是佛法界諸度是佛所立菩薩同立上_已證行是理教行是事如法位云佛住空無相理大士亦皆齊住_乃至佛能立十二部經大士亦能隨分立教化生_已上次外德中亦二初明化相次通諸下明化德也初文中而作等者現行佛化化物同佛故爲其師如台宗云法身說法尚令等覺斷最後品况初住耶_已上法身尚余況十地耶故云大師禪慧等者諸行

雖多止觀爲要故以此法開導群萌次化德中通諸等者淨影云通諸法性是智正覺自在行也謂能通達二諦法性達衆生相衆生世間自在行也衆多生死故目衆生衆法成生亦名衆生若形若體種種相狀一切悉知明了諸國是器世間自在行也初句云通第_一二言達第三言明言之左右憍_已興破云智正覺下云達二諦其中俗諦可是餘二何別立耶_已取意今救云既云通達二諦法性其法性者即

是真諦生界器界俗中別故舉要言之二界
之性名之真諦二界之相名之俗諦通達之
智名智正覺釋大行論云衆生世間者謂異
生性界器世間者謂所依止土智正覺世間
者謂佛菩薩已是故淨影所解無過慳興述
自義云法界無量行生界無量行世界無量
行略三自分成德中亦四初明修行方便次
亦無下明修行成德三住深下重辯起修四
超過下重辯成德初文亦四先明自利修次

壞裂下明利佗修三超越下重辯自利四善
立下重明利佗初文中上之三句明修福行
下之二句明修智行猶如等者淨影辭於化
身徧至之速疾義法位懼興同辭化身之不
住義二義左右但看文勢既云現身猶如電
光順淨影意無畏等者淨影云又學無畏於
人不怯曉了幻化於法能知簡邪取正名爲
善學達正過邪所以無畏以無畏智統攝諸
法乃至擬用攝人故說爲網已上言無畏者謂四

無畏如傳通記

云

是則如來不共之德菩薩

學之故云善學

二利他修中壞裂等者上句

滅業下句除惑天魔邪業辭之

法位極惡

如網有情見

思說爲纏縛若依淨影十纏四縛言十纏者

一者無慚

於彼戒定慧等功德及師長等之所

隨屬

二者無愧

於罪業中無敵無崇無所忌

難無所

所

三者憊

於貳法等巧施

懈

名惡作是所緣境

即

正

是追悔又

解

懈

之言事惡所作事名為惡作又云緣惡

作法心追悔性說名惡

作此即從所緣立名

謂今心

六者睡眠

昧略為性

四者慳

於財法等相違令心慳着

五者惡作

光云惡

七者掉舉

令心心所不靜住也

八者惛沉

身心

九者忿

除瞋及害於情令心憤發

十者覆

隱藏自罪

通名纏者

光云纏縛有情置生死獄故名焉

纏淨黠云纏衆生故纏縛心故已問一切煩惱

皆有纏義何限十耶

答於四地中過最重

故別立纏名謂大煩惱地法六中惛沉障慧

掉舉障定此過勝故立名爲纏餘三不余故

不名纏無明本惑不可立纏又大不善地法

二者皆不善故過失最重又小煩惱地法十

中惱嫉忿覆其過寂重又不定地法八中睡
眠障慧思作障定其過寂重故立爲纏尋伺
不重餘四本惑故不立纏言四縛者淨影云
欲縛有縛無明縛見縛乃至欲界諸結除無明
見名爲欲縛上二界中一切煩惱除無明見
名爲有縛三界無明名無明縛三界諸見名
爲見縛已上此師亦有一解一切諸惑揔名纏
縛云若依懼興八纏三縛言八纏者於十纏
中除忿覆也品類足論及大乘中有此廢立

言三縛者貪瞋癡也云菩薩教人離此煩惱
故名爲解三重辯中初句所超後句所入菩
薩欲入大涅槃城超越二乘偏小嶮難入空
無相無願之門故懼興云欲入大涅槃必以
三昧爲門故偏說此三如瑜伽論云我法無
故空空故無相無相故不可願求而有處云
空無相無願者即共二乘行故不相違淨影
三衆生及法悉無自性故名爲空乃至因緣
相亦不有說爲無相此離所取遠離妄想能

願之心故名無願。上又俱舍論等中廣明云。然此三定通漏無漏。出世間光引正理云。於中無漏者名三解脫門能與涅槃爲入門。故非諸有漏法是真解脫門性住世間違解脫故上今經但取無漏之邊爲涅槃門如法界次第云涅槃城有三門謂空無相無作乃至得入涅槃故名解脫門亦云三三昧乃至但三昧即是當體得名解脫從能通之用以受稱也已。四重明中善立等者若依恨興自下即也。

有三業方便初一句是意業方便隨順諸佛尋三乘故次一句是口業方便分別一乘說三乘後二句是身業方便於二乘法現滅度故若依淨影但有二業謂初一句意業方便次之三句皆約口業故彼疏云顯示三下是化他行顯示三乘說三乘因就大分小名示三乘於此中下而現滅度說小乘果緣覺名中聲聞名下於此二中說有涅槃名現滅度此等即是口業方便上今詳兩師其義左

右若校經文興師最勝謂準上云示現滅度今現滅度定可身業諸口業說皆收顯示三乘句竟何重更說中下涅槃上下文同義理極成若就義理淨影最勝所以菩薩欲引權機且說二乘偏真涅槃中下聞之即息化城若不說有涅槃可證二乘何入故別顯也現滅度言上下雖同其意即別不可一槩如天台云語言雖同其心則異又如上云普現道教以說名現今亦可余何云身覲問方便義

何答淨影云方便之義汎論有四一進趣方便如見道前七方便等進趣向累故名方便二施造方便如十波羅蜜中便波羅蜜巧修諸行故曰方便三權巧方便如二智中方便智等權巧攝物故名方便四集成方便諸法同體巧相集成故云方便乃至今此所論權巧方便於權巧中方便有三一身業方便權形異現如觀世音乃應以佛身得度者即現佛身而爲說法如是一切二口業方便隨化衆

生種種異說乃至三意業方便謂方便智隨化衆生種種異解今亦憍興云方便雖多此中方便即巧權之名已上今權巧者同淨土論方便門也論云依方便門憍愍一切衆生心遠離供養恭敬心故同註云正直曰方外已曰便依正直故生憍愍一切衆生心依外已故遠離供養恭敬自身心故又如台宗立三方便一者法用方便外之權二者能通方便外之權外之權能通外之權實外之弄引故三者妙法方便權實相即今之

方便若據四車即當前二云示三故若據三車亦通妙三乘之中有佛乘故二修行成德中亦二初明自利德次宣揚下明利他德初文亦四先明所證平等次具足下明所成衆多三廣普下明所證深廣四得佛下明所成奇勝初文中亦無等者淨影云亦無所作無因可作亦無所有無果可有言不起者無淨可起言不滅者無染可滅得平等法約理辯證名前無作無所有等爲平等法證會名

得慳興破云此亦不然因有功能故非無所作果藉緣有故非無所有故已上此破何救今試授云上利他中假立因果今明所證還空因果因果空義實教所談如般若云因空佛果空空空故空又大師云一切皆空生死無爲亦空凡聖明闇亦空已然慳興述自義云無作無有者即事平等也不起不滅者理平等也無實作用故無所作不能自生故無所有已上次衆多中具足等者若依淨影慳興意

者具足等言流至下之諸根智慧若依義寂流至揔持非今所用淨影云得陀羅尼行德多也百千三昧諸根智慧餘德多也信進念華名爲諸根若通論者一切善法悉名諸根熾興云揔持雖通定念正是慧性故百千三昧即揔持所依至諸根者六根清淨此諸菩薩位十地已得自在六根互用故上三深廣中廣普等者廣證寂定於一切法不起妄想所證廣也深入真藏達大乘法所證深也四

奇勝中華嚴等者淨影云如華嚴說彼一三
時統誦法界一切佛法悉入其中上華嚴經
三十八云普賢菩薩正受三昧其三昧名佛
華嚴入三昧已十方一切世界六種十八相
震動乃出微妙音一切世界無不聞者瓔珞上卷
經云吾先於第三禪中集八禪衆說一生補
處菩薩入佛華嚴三昧定百萬億偈今以略
說一偈之義說菩薩文又懷興云佛地功德能
嚴佛身故云佛華嚴嘉祥大同然探文記第十一云一釋

名者以因行華嚴感果相今顯著故二體性
者法界行門心海爲體以等持廣大無限量
故上釋名似興體性似影各據一義不可偏
執二利他德文可知矣三重辯起修中爲二
初起自利修次濟諸下起利他修初文中住
深等者依住深定發天眼通見十方佛過未
諸佛非是所對故云現在發神境通一時徧
至故云一念至土見佛能生福智故自行廣
次文中濟諸等者諸師異解淨影云此八難

中三途爲劇菩薩濟之人天苦微名曰諸閑
菩薩勸化故曰不閑義家云劇難者謂至三
惡趣難八難中此最劇故又此一向隨難劇
故至人天趣中非難處者名爲諸閑以容能
起諸聖道故隨難處者名爲不閑以無容起
諸聖道故法位云二乘於救生閑大士則不
閑凡夫於修閑大士則不閑又二乘凡夫於
無上菩提閑大士則不閑憇興云八難名爲
劇難兼非想天更有業惑二種障者名爲不

閑若非八難及無難障者皆曰閑已今之所
用憇興義也寂亦無失七難之義如傳通記真實際者
指真如法辯才智者指四無導佛不共德故
云如來菩薩分證故云得矣法界次第云菩
薩若能現種種神通變化則一切見者無不
信伏衆生既起敬信若欲闡揚大道必須無
導辯才乃至於此四法智慧捷疾分別了了通
達無滯故通名無導智也已上入衆等者淨影
云入謂解也謂解衆生種種言音用之起說

開化一切。憚興云。得解語言三昧起法說故入者解也。上所言。言音影約所化興約能化今準理者。辯才內滿。巧言外發。解衆生音說種種法。各述一邊不可偏執。四重辯成德中爲二初明成自德。次於一下明成化德。初文中超過等者。憚興云。過世間者。申斷德過二死故。乃至住度世道者。標智德並成二智。故至死。諦者安也。度者出也。淨影同之次文中隨意等者。依成智斷。能得勝進。故云自在。以自在德能

利衆生名不請。友利物爲懷。故名荷負衆生。迷重故成重擔。庶謂凡庶類。謂品類衆生無量其類甚多。如法苑珠林云。十二遊經云。魚有六千四百種。鳥有四千五百種。獸有二千四百。已畜類如此。六道應知四受持下明依勝進成德中爲二初明所修行。次一切下明所成德。初文亦二先明自利修次。興大下明利佗修。初文中受持等者。受持法藏修其妙解護佛種性修其妙行。解行具備除障生善。

如淨影云受持法藏明修勝解如來性是佛
如來甚深法藏闇障既除明觀已心故曰受
持護佛種性明修勝行法界諸度是佛種性
護使離障起善無間名常不絕上又懶興云
受持佛教令久住世有性之性依之殖善故
使不絕即同上生云汝善受持莫斷佛種也
世親造真諦譯
已然有性文其義稍權安有性言簡無性故
佛性論云有經中說一闡提二身者一令法
身得生二令加行得長修行菩薩行故復有

經說一闡提衆生決定無涅槃性若余二經
便自相違會此二說一了二不了故相違言
有性者是名了說言無性者是不是說故佛
說不信樂大乘名一闡提欲令捨離一闡提
心故說作闡提時決定無解脫上圓覺經云
有性無性齊成道上彼師所解當不了故次
利他修中亦三初明法次辭如下開辭三於
諸下重顯慈悲初文中授法眼者淨影云教
法生解名授法眼報興云如說而行必入聖

地得法眼淨淨即慧眼遂體之名也已上今且用淨影開善門者人天爲善黎庶者嘉祥云黎之言民庶之言衆已上註文選云黎庶衆民也廣韻云黎良奚反衆也庶商暑反又衆也次開辭中愛敬等者如憚興云事父唯敬於母亦愛故慈若敬父樂可尊故悲如愛母苦可愛故已問起信論疏香云愛而非敬如其夫妻敬而非愛如其君臣愛敬俱有如其父也取孝經意亦父兼尊親何云唯敬荅父雖

有愛不及愛母故且屬無辭如君王雖非無愛不及父故偏爲尊也此中闕合今合辭者慈合敬父悲合愛母三重顯慈悲中於諸等者淨影猶属辭憚興名合辭故淨影云喻中兩句初如孝子愛敬父母影前慈厚於生若已顯上悲深已此釋未了何以菩薩慈悲還喻菩薩慈悲又憚興云於諸衆生視若自己者述云此後合也若已者意在如自一子即涅槃云視諸衆生猶如一子是也慈悲怜傷

如已子故記此釋忍似自語相違辭中以子
辭於菩薩以其父母辭於衆生合中以子合
於衆生以其菩薩合父母故今謂不余此文
重顯同體慈悲謂諸菩薩視於衆生如自身
故二所成德中初句福智因次句福智果福
智行因必至涅槃故云皆度次之二句福德
莊嚴後之二句智慧莊嚴度者與云至也聖
者頌疏云聖者正也三如是下總結數量淨
影云此等悉爲影嚮顯法是故來會爲法心

同故來一時上問何無雜衆答略而不列覺
經流通云佛說經已諸菩薩阿羅漢諸天帝
王人民皆大歡喜莊嚴經云天龍八部上五
介時下正明發起中有三雙六童初如來現
相次尊者下阿難請問初三於是下如來審
問四阿難下阿難實答二五佛言下如來嘆
許六對曰下阿難樂聞雙初文中諸根悅豫
者淨影云眼等五根同現喜相名根悅豫姿
色清淨示現喜色色無慘感故曰清淨言光

巍巍重顯喜色言顱巍巍重顯喜相巍巍是
其高勝之貌影興同之揔而言之色光是顯色根
顱是形色顯形二色皆現悅豫豫者余雅悅
預喜樂也豫亦安也憃興云亦作預念也私
云光顱巍巍非重顯上喜相喜色準下法藏
嘆佛偈者光巍巍者佛光炎明無與等也顱
巍巍者佛身尊特超世倫也是故次下或云
威容顯曜或云光光乃余故上二句顯其喜
相次一句顯光身勝也學者思擇問書曰賢

人喜怒不出色焉大人猶余况如來耶是故
如來得三念住於違順境不生憂喜如俱舍
論云諸弟子衆一向恭敬能正受行如來緣
之不生歡喜捨而安住正念正知是謂如來
第一念住諸弟子衆唯不恭敬不正受行如
來緣之不生憂感捨而安住正念正知是謂
如來第二念住諸弟子衆一類恭敬能正受
行一類不敬不正受行如來緣之不生歡感
捨而安住正念正知是謂如來第三念住

世尊既得於三念住何故悅豫答如淨影云
喜有兩義一念弥陀所成行德可慶故喜二
念衆生得益時至故生歡喜悅興云五根皆
顯喜相以表淨土快樂無間故乃至色無慘感
以表佛土無衆苦故義寂云將欲宣說奇特
之法是故先現非常相也已雖有此釋未顯
佛意夫如來實雖無歡感為顯本意示現悅
預文義分云諸佛大悲於苦者心偏愍念常
沒衆生是以勸歸淨土上釋尊大悲偏愍常

沒常沒出離唯在往生往生佛願今將宣說
出世本懷時亦已至何不悅預如觀經云尔
時世尊即便微笑大師釋云此明如來以見
夫人願生極樂更請得生之行稱佛本心又
顯彌陀願意因斯二請廣開淨土之門非直
韋提得去有識聞之皆往有此益故所以如
來微笑也上彼此俱暢大悲本懷故同現喜
但至難者如元照云佛無悲喜者據自行也
示歡喜者約化他也上次請問中亦二初恠

觀相異昔次唯然下彰已所念初文中承佛
聖旨者此承如來意力加被故偏袒等者義
寂云整服以顯懇誠已長跪者懷興云雙膝
著地上歸敬儀山云經中多明胡跪互跪長
跪斯並天竺敬儀屈膝柱在之相也乃佛右
手按地以降天魔令諸弟子右膝著地言互
跪者左右兩膝交互跪地有所啓請悔過授
受之儀也佛法順右即右膝柱妙地右盤在空
右指柱地又左膝上戴左指柱地使三處翹

曲身前就得心有專志請悔方極此謂心隨
身行慢失矣又云跪者謂尻不至地斯正景
也僧是丈夫剛幹力立故制互跪尼是女弱
翹苦易勞故令長跪兩膝據地兩脰翹空兩
足指指地翹身而立者是也經中以行力經
之苦弊集身左右兩膝交互而跪經中此丘
亦有兩膝至地白佛者言胡跪者胡人敬相
已淨鏡華者此有異解淨影云鏡光外照名
爲影表外照之光明顯鏡內名爲影裏佛身

如是光明外照所施之光顯耀佛身名影表
裏嘉祥云表裏者表語其形裏明心悅懌興
云鏡光外照名爲影表即同佛身光明外舒
影暢表裏即舉已所視也已所視者淨鏡
中非面像實浮是依鏡緣還見自面然遍計
情見鏡內實浮我面像今從情量以辭佛光
故云已視今之所用淨影義也次影念中亦
三初啓佛令知次今日下念佛所得三去來
下念問佛所爲初文中唯然者淨影云唯是

車義彰已專念至然謂余也彰已心中所念
實余上次文中住奇筆者淨影意云初句是
揔佛所住法超餘人故名奇特法後四是別
於此別中初句自德即是涅槃諸佛同住故
云佛住於世爲猛故名世雄次句利他謂四
攝筆住此行故導入見正故名世眼第三句
自德即是菩提住此能知諸佛之德於世莫
勝故名世莫第四句是利他之德所謂十力
四無畏等行之度物五天中上故名天尊言

五天者依涅槃經一者世天人王名二著生
天諸天三界三者淨天四界支佛四者義天菩薩能解
五者第一義天如來解知佛性不空義故義寂意云第一
妙色功德相好無倫第二寂靜功德護根拔
惑第三勝智功德知世非世第四正行功德
利自佗行第五威德功德神通遊戲以此等
義各得佛名懼興意云世尊等是標佛異名
奇特等是釋其義也謂依神通現相奇特故
名世尊安住三昧制伏衆魔故名世雄雄猶健也

能具五眼引道衆生故名世眼住於四智孤
秀無匹故名世英第一義天解知佛性不空
之義故名天尊法位同之各據一義並有其理然
而今且可依淨影矣三念問所爲中亦二初
念所爲次何故下問所爲也初文中相念等
者如淨影云去來現下念佛所爲勝諸如來
是所爲也佛佛相念舉餘類此得無今佛念
諸佛耶惻此因餘耶者是其不定辭以理測
度未敢專決是故言耶大同次文可知寶積

經云世尊今者入大寂定行如來行皆悉圓滿善能建立大丈夫行思惟去來現在諸佛世尊何故住斯念耶已依此之文我今思惟佛佛相念釋尊何不知諸佛現相耶然今超過諸佛而現此之奇相有何故耶光者慳興云光者即顯曜之狀也梵網疏台云光者盛義也上三四兩科其義可知五如來嘆許中亦三初嘆所問次阿難當知下對前請問三阿難諦聽下明勑聽許說初文亦三

先嘆慧問次如來下舉佛出難值三塗所下嘆所問益多初文中發深等者淨影云發深智慧嘆其問智向前念佛五種功德名發深智真妙辯才嘆其問辭向前嘆佛住於五德名真妙辯辯實名真言巧稱妙言能辯了語能才巧故曰辯才愍生問義嘆其問心亦得名爲嘆問所爲阿難向前舉佛五德而爲請問此之五德以慧爲主名問慧義懷興云稱佛之五号故發深智慧將五住之德歎五号

之義故真妙辯才餘義全淨影同次難值中亦二初
法次猶靈下辭初文中無蓋大悲者或本云
無盡淨影惺興義寂同用無蓋爲正玄一盡
本爲勝淨影云佛悲殊勝不能蓋上名無蓋
悲興寂同矜猶憐也光闡等者教法利人名爲
道教證理益物以爲真實光廣也闡暢也慧
施也或本欲拯已下十字改爲八字謂普令
群萌獲真法利云語異意同次辭中靈瑞華
者梵云優曇波羅大菩薩藏經云此葉似梨

菓大如拳其味甘無華而結子亦有華而難
植故去應音法華文句云優曇華者此云靈
瑞三千年一現現則金輪王出上妙樂云金
輪王出大海減少金路現時此華乃生出作金
輪王之先兆已又惺興云帛謙皆云如世間
有優曇樹但有實無有華也天下有佛乃有
華出耳今言靈瑞者即存震旦之名時特者
希出之義以善時出故已問此靈瑞華爲木
爲草答云三益多丈可知二對請問中亦二

初述成請問次所以下舉因結果德初文亦
二先述阿難所問次以一下述阿難所見初
文中如來筆者此有五句初一句總後四句
別是則述成前之五德謂如來覺述前奇特
正覺即是佛所得故其智難量述前佛住佛
智能證涅槃理故多所導御述前導師以四
攝等導衆生故慧見無導述如來德如來德
皆慧爲主故最勝道對無能過絕述最勝道菩
提勝故不爲他人所止抑故如來德過絕者

昔義云介雅遏止也今以逆相止爲遏蒼頡
篇遏遽也懌興云遏阿達反塵也絕抑也比
次述所見中一食筆者問爲佛所食將爲因
位施食功德若佛食者佛壽長遠必由因位
施食功德故最勝王經壽量品云若人住億
劫盡力常筭數亦復不能知世尊之壽量不
害衆生命及施於飲食由斯二種因得壽命
長遠上若施食者既云一食知佛所食化佛
應作由食住故答異義不同懌興云一食之

力者即施食也。此舉因位施食修因今看經文果既據實明壽無量因豈約假說示現食文興師釋有其理也但一食者小因大果然自餘師皆云佛食故淨影云以一食力能住壽等約化顯實隨化示受一食之力能住多劫身無喪捐明佛體常上此釋亦無失顯自在德故言示受者如來雖實無食事應同衆生示現受食故云示受又法位云凡食有四種一不淨依止食謂欲界凡夫二清淨

依止住食謂諸羅漢三淨不淨依止食謂上界及有學四能顯依止住食謂佛世尊但顯如來假食住身而佛實不食然獻佛食時諸天傳接將去散施群生玄一問釋尊壽命八十入滅何云無量答豈不前引方便現滅如最勝王經云釋迦牟尼佛壽量無限乃云何如來示現如是短促壽量乃欲令衆生見涅槃已生難遭想乃於佛世尊所說經教速當受持乃不生謗毀是故如來現斯短壽比無

數無量者攝大乘釋論云不可以辭類得知爲無量不可數知爲無數已復過等者有云億百千劫以爲所超無數無量爲能超也云今謂不尔億百乃至無數無量以爲所超故云此過是則爲顯無限量也例如法華云如是諸世界無量無邊至是諸世界到盡以爲塵一塵一劫我成佛已來復過於此上諸根等者已下述成前之三相謂初二句述前所見諸根悅豫次一句述姿色清淨後一句述

光顏巍巍二舉因結果中定慧等者淨影云定止慧觀此二行要爲是偏舉餘皆從之乃至定慧究竟故名爲究通暢自在故名爲暢廣寛無邊稱曰無極慳興同之定究暢故得前三相慧究暢故得前五德二因既滿無德不圓故於諸法得最自在言自在者如釋籤云八自在者大論名八神變大經名八自在我言神變者無而歛有有而歛無言自在者不謀而運一切無尋故與大論義同名少異乃至廣釋三

許說文可知。六阿難樂聞中唯然者如玄贊云。唯承然諾也。上即此意也。欲聞者玄一云。十地論云。聞法人者如渴求水。如飢求食。上來揔釋序分已竟。

大文第二。佛告阿難乃往過去下明正宗中。依淨影疏。大分爲三。初明所行。即是彌陀因位願行。二阿難白佛法藏比丘下明所成。即是彌陀果位身土。三佛告阿難其有衆生下明所攝。即是彌陀現在利物。又依宗家細分。

爲七。初明勝因。二阿難時彼下明勝行。三隨其生處。下明勝果。上來淨影。四阿難白佛法藏比丘下明勝報。五又其國土。七寶下明極樂。上來淨影。六佛告阿難其有衆生生彼國者。下明悲化。七佛告阿難汝起更整。下明智慧。上來淨影。二七兩科開合雖異其義。是同今須以三爲其大科。七爲小科。

第一明所行中。即有三初明。勝因。次明。勝行。後明。勝果。初文爲二。先明發願緣。次時有國

王下明發願相初文亦二先指初時次錠光
下列舉諸佛初文中乃往者玉篇云乃猶往
也又云往猶昔也無央數劫者憼興云梵云
阿僧祇此云無央數王逸云央盡也玄一解
同之解脫經中說六十數增之第五十二名阿僧祇
依俱舍論於中除八成劫無數非筭數不及
故名三無數然寶積云過阿僧祇無數大劫
故積大劫中劫爲無央數亦積無數以爲無
量不可思議是故所逕劫數極遠所言劫者

具云劫波此翻爲時二列佛中亦二初列已
滅佛次余時下舉所值佛初文亦二先列次
如此下結也初文中錠光等者梵云提惣羯
羅大弘施此翻燃燈嚴華說今翻錠光莊嚴經說同之
語異義同蓋是譯者異稱而已又玄一云有
足曰錠無足曰燈翻譯名義集云據華云錠
音定燈屬也上然孟蘭盆記元照云定光遠古
佛也未見解釋今以意求寂而常照故曰定
光舊記下新記古記今云即是燃燈定合作錠有足曰錠無

足曰鑑今詳鋐字自贊爲可或替定者乃錫
之屬又鋐與鑑自是食品亦非燈也已問今
鋐光佛即燃燈者爲是釋迦二僧祇滿所值
燃燈將爲別佛若言同者釋迦菩薩蒙燃燈
佛授記之後逕一僧祇九十一劫鋐光以來
旣是無量阿僧祇劫彼近此又豈一佛耶若
言異者大論第九明授釋迦記之佛云如燃
燈佛生時一切身邊如燃燈太子作佛亦名
燃燈舊名鋐光佛已是故玄一智光證真皆

存同義答異義不同懷興先舉同名同體同
名異體兩師義已而立亦同亦異之義同名
爲同異體爲異故今鋐光非彼釋迦受記燈
今謂同名異體佛也故義寂云於餘經中釋
迦第三阿僧祇劫初所值佛名爲燃燈亦名
鋐光今此列是彼佛理準應非何以得知然
法藏菩薩過彼佛已五十三佛然後乃值世
饒王佛於此佛所始發大願經不可思議光
載永劫然後成佛已來於今十劫由此故知

非彼錠光比但大論丈舉其異名非論佛體
餘師所解用否在時何況興師雖立亦同亦
異之義還是同名異體義也學者思擇問直
應舉彼所值之世自在王佛何故先列五十
三佛答憍興云從錠光來漸有攝受淨土行
故上問如下說者法藏發心在錠光後淨土
之行何在余前答發心重重何守一隅智印
三昧經云念燃燈佛前過八十億劫有佛名
月駢說此三昧至有轉輪王号曰慧起王至
有二卷下文

王有千子至余時慧起王阿彌陀佛是時王
千子者則賢劫千佛上依此經說彌陀發心
在燃燈前知燃燈來願行相續又案悲華經
無諍念王有千太子皆同發心寶藏如來記
念王云無量無邊佛滅度後過一恒沙阿僧
祇劫入於第二恒沙阿僧祇劫當得作佛号
無量壽云發心已來過恒沙劫定知錠光在
發心後即與三昧經其意相似也次有如來
者問今經及以平等覺經從遠向近順列佛

出然寶積云過阿僧祇無數大劫有佛出現
号曰燃燈於彼佛前極過無量有苦行佛興
出于世苦行佛前復有如來号爲月面乃至
如是等佛出現於世相去劫數皆過數量乃至
世主佛前無邊數劫有佛出世号世間自在
王如來莊嚴經同之此之二經從近向遠逆次列
之相違如何答自在王佛若最初者其時極
遠弥陀正覺何但十劫最後燃燈猶過無量
阿僧祇劫况最初耶是故諸師皆依此經自

在王佛以爲最後但彼二經恐不正歟問梵
本惟同譯入達三何有如是水火之異答翻
譯不輒自有異歟經律論如釋籤云安師云譯經有
五失及三不易譯梵爲秦如嚼食與人令嘔
五失三昧三卷十九嚙補注云涉茲五失逕三不易譯胡爲秦可
不慎乎什法師云天竺國俗甚重文藻徂改
梵爲秦雖得大意殊闇文體有似嚼食與人
非徒失味乃令人嘔嚙也上次結文可知二
舉所值中世自在王者是別號也義寂云舊

本名樓夷彌羅此存梵音翻之名爲自在王
憧興云於一切法得自在故玄一云世間利益
益自存故言世自在亦言世饒即自在義爲
王也譬如來應供等者是通號也淨影云佛
德無量依德施名名亦無限經隨一數略列
十種已於此十号異解甚多且依淨影解釋
之者一如來者乘如實道來成正覺故名如
來法位同之二應供者證滅相應故名爲應又證
滅故合應供故云應供三等正覺者餘經中

亦名正徧知語異意同謂等者徧義覺者知
義義審意云亦名三藐三佛三者四明行足
者等法顯了故名爲明止觀名行龍樹說戒
定慧名行此二圓具故名爲足五善逝者逝
是去也如來好去故曰善逝雖無去處非不
能去如劫盡火雖無所燒非不能燒故得名
去釋云上昇究竟無永不退還故名善逝六世間解者化他之智
能解世間名世間解七無上士調御丈夫者
能調物心自調調他調御中極故曰無上士

者是其人之別稱此無上士善能方便調伏衆生名調御丈夫

法位云於衆生中佛亦無上誰能證無上之法故名無上佛以大慈大悲

大智有時軟美語有時苦切語以此調御令不失道故謂御丈夫八天人師者能以正法近訓天人

名天人師義釋法位同之九佛者自覺覺佗覺行窮滿故名爲佛十世尊者佛備衆德爲世鎮重故號世尊比十号中前五自德後五利他初自德中初二如次道圓滅極

是為次二因圓一雙次利他

如次解圓與行圓也後一果極亦為次利他

中初一化他智次二代他能次一化他德此四

四是別後一摠也亦為一雙又釋法文委釋十号

云問瑣瑣下云七無上士八調御丈夫

因品題作有三美中十七行同之

相違如何答大論說十号中云以是調御爲

無上瑜加同之故輔行云大論合無上士與調御

丈夫以爲一句已是爲常說彼瑣瑣等經論

異說非適今也問若尔何故涅槃疏

大論卷三十六安章

云涅槃

槃釋論以無上士與調御丈夫開爲二号

義寂

亦依大論爲二号

答此義難知但補注云此與光明

文句及輔行不同恐章安誤耳已上或復大論

有兩說數學者勘之問新經皆云無上丈夫

調御士相違如何答各據一義並不相違故

玄贊云新翻云無上丈夫調御士舊云無上

調御丈夫智無等故無過上故名無上於現法中佛身具相好是丈夫又多分調御無量丈夫最第一故極尊勝故由此後釋舊云無上士調御丈夫已上問寶藏佛與自在王佛前後如何答寶藏前也如玄一云未見誠文以

義準者寶藏是先自在爲後瑜伽等說發大心已逕三僧祇成等正覺然寶藏佛記云過一恒沙僧祇劫等今此經中不言逕劫故寶藏先自在王後問既云三祇何故寶藏佛時發心經余所劫答三僧祇者拾起行時若雖發心或時行退或時行息通取此等經無量劫故無相違略抄此義可然例如彼云三生六十據相續修若有間斷無妨多劫光文又慈恩云善心相續劫滿三祇已上二時有國王下明

發願相中亦二初明地前世間發心次佛告

阿難法藏比丘下明地上出世發心

此依淨影問

看經現文尋發心外無別發心是故慄興破

於淨影二重發心唯立一重還名略廣

淨影地上

文興師名廣說此師順經何不依用荅二重發心非

獨淨影又則義寂玄一同判然如經者下起發願即是地上所以者何法藏比丘尋發心後請淨土行而云斯義弘深非我境界等明知法藏在於地前請地上行若不尔者何云

非我境界等耶故淨影云此前所請出世之行其義大深非我境界爲是次請上然佛荅請說出世行法藏聞之即超發願豈非地上之發心耶故玄一師引淨影釋而證五劫後入地上然慄興師破淨影云地上菩薩念念常修利諸衆生淨佛國土不應五劫專修受淨土行故又云法藏蓋是十向滿位菩薩故五劫修行淨土之因初劫行滿故云攝取比此釋不許地上發願此未盡理豈以地上通

途行相妄抑大悲不共願志何況亦違我宗
元
賢祖續續二師地上發願故不依用也又解
悲華經說初住發心此經但明初地發心看
經文勢尋發心外無重發故世超異文可初
地故是故鸞師判聖種姓感禪師釋十地聖
人恐此意歟然偈頌中即有身土攝生之願
亦發國土第一華願容是別願之頤動起次
下長行請淨土行四十八願本意將遂如來
不許云自當知是則初地自分願故法藏重

請云非我境界華超世之本願選擇不輒故
如來答請時法藏悉聞見經五劫思惟攝取
超世願故云超發無上殊勝之願等也淨影
禁師未作此解今述異解恐慮甚多學者思
擇七云初文亦四光明聞法發心二棄國下明
出家修道三詣世下明詣佛禮拜四長跪下
明讚佛發願初文中時有國王者未知王名
但覺經云世饒王聞經修道歡喜開解便棄
國位行作比丘名曇摩迦留上義寂引此文

已云準彼經文。世饒王者亦名法藏。在俗時。
名然此中言世饒王者即是世自在王佛也。
已有云覺經不正也。依有王字以佛名而爲
所化名。是譯者誤。云此義非也。無明攬故。又
玄一云法藏者。此出家名。所聞法教護持。不
失故名。法藏俗名龍珍王。此王入山修道時。
中臣之二女隨入學道。一名祿波那。二名洗
澤河。法藏山。南二女山北。然修行。彼時國王
成今彌陀。彼祿那今是觀世音。是洗澤河今。

是大勢至是也。已問悲華經中佛名寶藏王。
名無諱。念王與今爲同異耶。答佛王俱別時。
分異。故玄一釋。二佛別。云一佛名即別。故
二所化名別。謂彼時無諱。此時法藏。故三在
家出家。別謂彼時在家。此時出家。故四思惟。
淨土行別。時別。謂彼時七歲。此時五劫。故五
男女別。謂彼時觀音大勢至。曾作輪王之子。
此時作臣之女。故已問。若余何。故大經釋。黑
云。時有國王離垢淨王歟。無淨念王歟。所詮。
天宗觀音大悲論有此錄

一體異名也。答不分今昔同是弥陀因位
名故云一體歟。是猶預釋不可定量尋發等
者淨影判云地前世間大菩提心義寂云今
以理準寶藏佛時所發心者是信發心於世
饒王佛所發後二種發心五劫思惟以前發
解發心五劫思惟以後發證發心已雖有此
釋未知三賢之中何位然玄一云瑜伽顯揚
等皆云發心有二。一世俗發心謂地前發心
二得法性發心謂地上發心也若依佛性論

有三發心一信成就發心謂十信十解二解
行發心謂十行十迴向三證發心謂初地以
上此云發心者二中是初三中第二是也又
云是故遠云此中有二初明世間之行二至
明出世行地前所行名爲世間地上所行名
出世間下明出世行中至既經五劫能入地
上是故明知是十迴向之末已擗興亦判十
向滿位問若余何云與世超異既云世超知
超地前世間位也答下文旣指地上聖行云

非我境明知地前但世超者世猶代也非指
地前例如下文讚佛身云超世無倫故淨影
云此德孤出名世超異一義也又解是初地故
云世超異一義也問據法華經弥陀亦值大通
發心與今發心前後如何答摠論久近今發
心近寶藏少遠已釋如向大通最遠所以者何寶
藏授記云恒沙劫大通往事三千塵點沙劫
極少塵劫極多前後可知問觀佛經云過去
空王佛眉間白毫相弥陀尊禮敬滅罪今得

佛取意大通空王前後亦何答異義不同今存
一義空王爲前有文理故所言理者看法華
經先說最近日月燈明次宣少遠大通如來
次明最遠空王如來後顯極遠釋迦久本從
近至遠說相鉤鎖知空王前即其理也所言
文者淨行經云釋迦昔於空王佛所受六重
戒後值大通爲其王子出家具持三百戒行
比即其文也問若尔何故釋籤一云且指迹
中大通爲首已答彼釋意約於三周聲聞且

指結緣元始非是論佛出世前後二出家修道中沙門者如傳通記云法藏者梵云曇摩迦經說大疏陀翻名不同此經云法藏覺經云法寶藏寶積經云法處莊嚴經云作法大論云寶積又云法藏是則譯者異稱而已高才等者淨影云才德過人故曰高才志強名勇心明稱哲上唐云才智也切韻云哲明知也三禮拜中稽首等者如論注記云四讚佛發願中亦四初明興讚方便次光頤下嘆佛功德

三願我下明已所求四幸佛下請佛證知初文中頌者玄贊云梵云伽陀此翻爲頌頌者美也歌也頌中文句極美麗故歌頌之故訛略云偈上次歎佛中亦二初讚歎次人雄下結歎初文亦三先歎身業次正覺下歎口業三戒聞下歎意業初文中摠有十句初句摠讚身光高勝後之九句別顯上身光勝別中初七顯光明勝後之二句顯身相勝威神等者光發所依由威神故能放光明日月等者

比校顯勝玄一云日月皆以摩尼所成
是日月與摩尼也餘文應知二口業中響流
等者大論三十云佛音聲所到無有限量若如
對面上已然大論意秘密音聲無有限量不密
音聲至佛邊聞三意業中亦有十句初之八
句是菩提德亦是智德後之二句是涅槃德
亦是斷德菩提德中初之四句明教行勝次
之四句讀證行深戒聞等者戒定慧業依多
聞生依精進成多聞是教戒定是行進慧通

二如是教行唯佛圓滿故云無侶問戒是色
法何攝意業答戒體雖有色心等諍心能導
戒故屬意業又憍興云戒即業體以思種故
聞精進等即業眷屬上已深諦等者依深諦觀
如來藏理證得菩提究盡法性故云究底又
憍興云深諦等者即後得智故云善念窮深
等者無分別智故云盡奧取意無明等者三毒
即是諸惑之本舉本攝末又玄一云約根本
故約三毒明斷德問餘處中云貪瞋癡何故

此中無明爲先瞋爲後耶答解處約起多少而明次第謂貪數起瞋次不共無明是瞋之次今文中約本末而明次第謂無明最本故先說貪是次謂通一切處故瞋唯欲界上二結歎中即有六句初二摠結後四別結別中初句結向口業化他功勲極廣大故音流十方次之一句結向意業諸德皆是以智爲主故偏舉智後之二句結向身業此依淨影惺興不余功勲已下二句摠屬向意業結光明

威相爲身業結震動大千爲口業結各據一義並不相違人雄師子者玉云雌鳥母雄鳥父也孝子云雄以辭尊雌以喻卑上佛名人雄即於人中最雄健故上云世雄亦其義也或名師子如大論云佛爲人中師子乃至師子獸中獨步無畏能伏一切佛亦如是於九十六種外道一切人天中降伏一切得無所畏故上功勳者玄一云王功曰勳國功曰功民功曰庸事功曰勞治功曰力戰功曰多義寂

云積善之力名之爲功破惡之庸稱以爲勲
已智慧者義寂云慧謂簡擇智謂決斷上三
明已所求中亦三初求佛身次辭如下求淨
土三我當下求攝生初文亦三先上求菩提
二吾捨下下化衆生三假使下比較顯勝初
亦二先求佛果二布施下求佛因初文中過
度等者問過度解脫有何別耶答過度棄苦
解脫離業次求因中調意者淨影云修施除
慳名爲調意惺興同之調意之言流至智慧下五

度可治五弊故必有調意今文無者舉初顯
後如是等者問爲指上爲指下耶答玄一云
指前四度名爲如是已或指下文例如彼云
如是我聞爲上者喜祥云五度爲行不能出
離生死要須智慧達解本原方皆過出故云
最上也淨影同之今謂六度之中禪智爲勝此止
觀法如鳥兩翅一闕不成如文云如來定慧
究暢無極已此佛德中就勝爲語今亦如是
故玄一云如是四度以定慧爲上首也此

釋
經文既如是下置三昧言豈除之耶問若
余何故金剛般若論云福不趣菩提二能趣
菩提上所言二者是般若故答彼論生了相
對今經勝劣相望所望不同不可一槩二下
化衆生中普行此願者玄一云行此願者如
次下云一切恐懼爲作大安名爲此願上問
成佛之後何行此願答所言普行非指累後
謂自今日至得佛果行此願也如懃興云舉
果求因故上三比較顯勝中無量大聖者問

爲佛爲僧答淨影云初之二句舉其佛寶次
之二句舉其僧寶次之二句供僧供佛謂供
一切供養僧寶供斯諸佛供佛寶也後之二
句對願比較取意今謂不然言大聖者亦是佛
寶非舉僧寶故覺經云假使有百千億万那
衍佛如是佛之數如恒河沙上然上佛者
爲簡餘衆下大聖者爲辭恒沙故非重疊指
此諸佛云一切等何以一切別屬僧寶覺經
中旣不舉僧寶今亦可余故又釋興云佛者

梵網卷五
古本聖位
文極果說
日大聖

所供養大聖者能供養無量大聖雖供多佛而有邊故不如求佛心不退還以無邊故已此亦不然夫校量法若有一人作此功德不及彼善是名比較如法華布施校量般舟經中供佛校量能施能供俱是一人若以多人爲能供者豈成比較設雖欲集功德多數可增所供增於能供有何要乎況違覺經不足依用但彼有邊無邊校量其義可然淨影亦余又解興釋無失謂強爲覓其功德多增能

供數有何過耶但覺經者且單舉彼所供之數只是異譯不具而已况次下云一切皆供養未必一人何忽云違或一切者可能供數若所供者應言供養一切等故若言大聖外是佛者上既有佛以下一貫舉數可辭于恒河沙重更舉佛有何要耶若言爲足句者可云無量無邊何云大聖知大聖言有其意也

但覺經文猶以難消文言明故謂一切言未必多人又屬所供更無相違一切下有皆之

言故頤

此之兩義取捨隨意如恒沙者如事

讚記云求道等者指向，上求下化願也。却者退也。二求淨土中，二初舉所超諸土，次令我下求能超自土。初文中初之四句，汎舉諸土次之二句，明其土佛放光莊嚴後之二句，明其土佛神通莊嚴精進等者。憬興云：其土佛於彼土勸作化事，故云精進現化筭表。故云難量。淨影同之二求自土中初之二句，揔求最勝，謂於前所舉諸佛國土中我國第一矣。次之四句，別求最勝於中初句，明衆第一次一句。

明成佛第一次之一句，明樂第一次後之一句，結衆佛樂而成國土第一義也。其衆奇妙者嘉祥云：五通自在悉不退轉。上準宗家者六通自在。云道場超絕者宗家釋觀經當座道場文云：因圓果滿道場之座豈_上今亦可奈指其佛果名道場也。故嘉祥云：亦是道樹超勝，亦可是修道速疾成佛。故云超絕。_上國如泥洹者，憬興云：如泥洹者快樂第一次。梵云匿縛南唐云：圓寂泥洹者訛略也。彼土快樂

可次涅槃故以譯之上三求攝生中心悅清淨者淨影云歸心純也上四請佛證中有十二句依淨影者初之二句請自土佛爲已作證次之二句更興願心次之四句請十方佛爲已作證後之四句重起擔心幸佛等者淨影云幸猶願也樣興同之真證等者淨影云佛證不唐是故言佛是我真證義寂同之發願等者指上法身淨土攝生之三願也問上來發願爲是摠願將爲別願若摠願者既有攝身攝土

攝生正當六八若別願者四十八願初地所發今是地前何云別願况彼別願於諸佛土選擇攝取未見土前豈選擇耶答若依樣興應是別願四十八願之略說故非今所用推淨影意如一邊難容摠願攝未發六八故但一邊難者雖有身土攝生之別只是淨佛國土成就衆生分齊全非六八故摠願攝問若余何云國土第一答對於化土求報淨土故云第一然而未超諸佛報土故摠願攝又解

縱雖地前何無別願攝生願志故終遂志請其別願以是義故可別願攝忍終等者如事讚云一一諸佛從初發意乃至曾無退念已初發尚余况十向乎上來地前發心已竟二佛告阿難下明地上發心中大分爲九初明法藏請說次佛語阿難下明如來返答三比丘白佛下明法藏重請四余時世自在下明如來爲說五時波比丘下明聞法發心六如是修已下明詣佛說願七佛告阿難余時下明

立擧請證八佛告阿難法藏下明現瑞證誠九於是法藏下摠結擧願初請說中亦二先結前生後次唯然下正清中亦三初牒前起後次願佛下正請宣說三我當下彰已所求初文中我發等者淨影云向前偈中求身求土名發無上正覺之心已是則牒前地前發心起後地上發願而已次文可知三所求中亦有三別如淨影云初我當下是彰所行次攝取下是彰所成謂攝取等是所成土令我

於業是所成身後拔諸下彰所攝也。是則正請地上別願願志在內請問顯外預有願志故見土後撰擇身土攝生諸願佛國清淨者是摠相當往生論清淨功德莊嚴無量者是別相當經三種論十七也今無量者就廣說耳。拔諸生死等者淨影云拔生死者出生死果拔勸苦本離生死因由因數受生死之苦故名彼因爲勸苦本。二如來返答中世饒王者自在王佛異名而已。燝興云饒者

即釋自在之言。上汝所修行者指自行三法藏重請中斯義弘深等者淨影云影已不知前佛據其自分所修遵其自知法藏今就勝進所習言非已境不相違弘謂大也此前所請出世之行其義大深非我境界爲是得請。興師亦許地上是則重請地上行也。如來淨土之行者淨影云偏求淨土之行身行由無興師破云如來淨土即相違釋如其次第身土行故上今私救云如來淨土即依主

釋非請菩薩之土故矣。四如來爲說中亦二初明說由次即爲下正說初文可知次文亦二初舉辭勵心次於是下說法現土初文中辭如等者義寂云喻說意者生死海中妙覺寶在有人發心志願爲器欲盡其原雖煩惱深廣劫數長遠若能至心精進求道中不止息其所志願皆應得遂有何願事而不能得惺興云會亦必也此文在上刻者遂也得也寂云會者皆也。二說法現土中二百一十億等者問寶

積經云爲其廣說二十一億清淨佛土莊嚴經云八十四百千俱胝那由他佛刹比相違如何答識謙兩譯皆同此經由多分者餘譯不正天人之善惡等者淨影云天人善惡汎辯一切諸土因國土粗妙汎宣一切諸土之果潔興同之問所現佛刹爲限淨土將通穢土若限淨者既云塵思識譏亦同知通穢土若通穢者法藏請聞俱云淨土寶積亦云清淨佛土荅嘉祥云唯淨淨影惺興義寂三師俱云

通穢如玄一者說通淨穢觀限淨土又說現俱通淨穢土而初爲勝云然今所用淨影等也即淨影云說惡說鹿令其捨離說善說妙使其修習惺興同之寔知願中旣有無三惡趣等捨所見土中若無穢者以何而爲選捨之土故悲華中通現淨穢彼經二云或有世界嚴淨妙好乃至或有世界有大火災上即其證也但淨土者法藏意在攝取淨國從之云淨寶積亦余不可相違問此中淨土報化中何答

可通報化故悲華說所現土云或有世界純諸菩薩徧滿其國無有聲聞緣覺之名上是則報土又云或有世界清淨微妙無諸濁惡已是當化淨義寂云二百一十億諸佛刹土者應其器量廣說諸刹此即通說受用變化及淨穢土以穢土中有天人別淨土之中有鹿妙異鹿即變化妙即受用已但此師意天人善惡惱屬穢土國土鹿妙俱爲淨土黑谷不不天人之惡國土之鹿以爲穢土天人之

善國土之妙以爲淨土故選擇云選擇其有
三惡趣鹿惡國土選取其無三惡趣善妙國
土
已上同
海影意但論註中皆對穢土而修起者且
從強釋非速化淨問法藏比丘未登地上何
見報土答由佛力故如義寂云此時法藏雖
未登初地然由佛力亦得暫見故已上韋提凡
夫猶依佛力感見報土况向滿乎悉現與之
者問覺經云世饒王佛說經竟法寶藏菩薩
便一其心則得天眼徹視悉自見二百一十

億諸佛國中諸天人民之善惡國土之好醜
大疏隨同之又大論云阿彌陀佛先世時作法藏
比丘時將導徧至十方示清淨國令選擇淨
妙之國以自莊嚴其國已上相違如何答經論
異說不須和會或異譯經舉能見德非佛不
現今舉佛現非無見德論顯將引設雖如來
將導今至十方必有見德佛現之義有何相
違問未登上何備見德答如義寂云然此
天眼非自力得由佛加力已上問說土可足何

重現乎答聞說尚闇見質稍明欲明令選故
現與也五聞法發願中亦四初明聞法見土
次超發下明發勝願三阿難下問答決疑四
時法下結發願初丈可知次發願中亦三初
正明發四十八願次其心下彰發願位三具
足下彰發願時初文中超發等者賢位見士
聖位發願故云超發如義寂云超發無上殊
勝願者正發願也此時既在解發心終於此
間中更無有上因此便能得入證位故云超

發無上殊勝願已又超諸佛願故云超發相傳
義勢次文中其心等者發願何位即在初地爲
願此義云其心等謂證二空理絕衆相故云
寂靜四住已盡更斷無明故云無著今入初
地超地前境故云無及大師云初地已上雙
修福智人法兩空並是不可思議略抄三文中
五劫等者發願幾時即經五劫爲顯此義云
五劫等如莊嚴經云作法茲葛聞佛所說八
十四俱胝那由他佛刹功德莊嚴之事明

了通達如一佛刹即時會中頭面禮足拜佛
而退往一靜處獨坐思惟修習功德嚴淨佛
刹發大擔願經於五劫詣如來言如是佛刹
功德莊嚴所行之願上又義寂云經具足五
劫思惟攝取至其佛壽命四十二劫述曰此
即思惟成就其願又云經時法藏比丘至我
已攝取莊嚴佛土清淨之行述曰此下第四
如所思惟對佛宣願上此釋須經最爲妙判
所以五劫攝取諸佛淨土行已自佛所行佛

即勸說余時法藏說已所願四十八願文相
鉤鎖義理無違以下說願校上淨行即以發
願而名行也斯乃因位若願若行摠以名行
非是行願別論之意例如十度行中即有願
波羅蜜起信論義記下云皆因十度深行之
熏上即其例也又顯要記源清云彼佛往昔於
世自在王如來所爲法藏比丘請彼如來說
諸佛淨土妙莊嚴行於是具足五劫思惟攝
取乃發四十八願上此師亦判發願之時然

彼淨影法位玄一憬興等師判修行時非全
所用如決疑鈔云問五劫思惟爲通六八爲
局名号答有云思惟名号不通六八云此義
非也以說願文校思惟文總通六八故覺經
云則選心所欲願便結得是二十四願經上
思惟選擇云二十四豈限名號問聖種姓智
不可思議於一念頃辯一切事何送五劫答
本願深重豈容易耶釋尊尚有三七思惟况
初地耶攝取等者如選擇集云三問答決疑

中四十二劫者淨影云問曰若彼得壽多劫
劫盡之時居住何處而修行耶釋言餘人見
其劫盡其法藏等見彼國土安穩不動故得
起修與法華中衆生見劫盡大火所燒時我
此土安穩天人常充滿其義相似上憬興破
云此恐不然法華所說論自釋云報佛如來
真實淨土即知彼土是他受用他受用佛壽
必無量不可言四十二劫故今即四十二劫
者蓋歲數劫故經五劫攝淨土行非劫盡也

大通佛壽不可數劫尚非淨土如四十三劫
可云淨土上此破未了如淨影者法華今經
淨穢雖異且引劫盡見不見邊與此類同釋
佛化久故云相似非以饒王即爲報佛然彼
自義猶未盡理所以者何經上文云無央數
劫又下文云成佛已來凡歷十劫前後文既
非歲數劫中間今文何約歲數是又五劫等
是歲數者法華論說歲數劫云劫有五種一
日二夜三月四時五年云若余成佛已來劫

數唯十年耶上下之劫不可違故若言余者
不應理也是又若言依小乘性相者俱舍論
云何故減百無佛出耶卷也五濁極增難可化故
已準之五劫若五年者阿難不可致此疑問
佛出不減於百歲故是又佛壽命四十二歲
者亦違性相減百出故是又以小乘一途性
相判一切者向難如何又依大乘大通佛壽
既以五百四十萬億那由他劫何妨今佛四
十二劫是玄一同興亦招此難然義寂云凡

出世佛上不過八万下不減百歲云何得經
五劫思惟爲決此疑故次問答所言佛出唯
八万時者此是迦多衍尼所說非是釋子通
方之論故大乘中不限八万由此故說其佛
壽命四十二劫淨土可余穢土云何其穢土
中住劫增減位分決定云何得至四十二劫
所言住劫二十等者此據常途無佛時說若
佛出世由佛本願各差別故住世久近亦說
不同如樓至佛住賢劫半其餘諸佛久近不

定此師意云若依大乘若依願力佛出時
分住世久近皆悉不定何故偏執一途性相
及無佛時定量一切故饒王佛四十二劫亦
未爲難云如長阿含人壽八万四千歲時毗
婆尸佛出世成道又悲華經日光菩薩當來
人壽五十歲時成道号曰不思議光明佛當
來人壽三十歲時勝日光佛當出於世云此
說豈非八万已上百歲已下有佛出耶又立
此阿毗曇論九云長極八万短至十年若佛

不出世次第如此。若佛出世，正法住時，衆生壽命暫不減隨。正法稍滅，壽命漸減。佛出世尊說如是我聞。已依正法住劫猶不減。況佛住時劫不延乎？又樓至佛住半賢劫者，悲華經云：「爾時佛告特力捷疾言：半賢劫有十四佛出現於世，特力捷疾言：彼賢劫中乃四佛於半劫中出世涅槃。」正法滅已然後我當成阿耨菩提。乃尔時佛即讚特力捷疾言：「至賢劫中，乃汝當成阿耨菩提。」号樓至如來。

壽命半劫沒之所得聲聞弟子如千四佛，所有弟子等無差別所化衆生般涅槃後，正法滅已。賢劫俱盡。問藥王藥上經云：此中千佛者俱留孫佛爲首，下至樓至如來。今賢劫中次第成佛。佛名經大論同之。何云一千五佛等耶？又樓至佛在第二十增劫出世，故劫章頌云：「乃後住劫欲終中，樓至如來方出興。」已何云半耶？答經經異說不須和會。四文可知。六詣佛說願中亦有三初明法藏演願次佛告下。

明如來勸說三比丘白佛下明法藏說願初
文可知次勸說中汝今等者淨影云汝今可
說正勸宣說宜知是時催令速說發起悅等
明說所爲爲益諸衆故須宣說發起悅可一
切大衆爲益凡夫二乘故說由彼法藏自說
已願令衆同喜願生其國名發悅可一切衆
矣菩薩聞下爲益菩薩由彼法藏自說已願
令諸菩薩學之同發故云聞已修行此法滿
足大願闡已修行起願始也緣致滿等願心

成也大同法藏比丘五劫思惟發本願竟其
願在心誰能得知故佛勸催一一令說以益
五乘說雖在今聞傳來際故須說之

無量壽經鈔卷第二

正安第二天庚九月下旬拭老眼清書之
留贈後見共期往生 沙門了慧謹疏

佛教大藏新藏

331025

